

NURUL Shuhadah Ahmad Puad (dua dari kiri) dan kembarnya Nurul Shahidah bersama ibu bapa mereka di USIM.



SEKITAR PENDAFTARAN PELAJAR BARU

Impian tercapai

Oleh Nor Adila Ab Kadir
am@mediaprima.com

Nilai

“Saya meletakkan harapan tinggi untuk masuk ke universiti seperti kakak dan abang dan alhamdulillah impian itu tercapai dan apa lebih menggembirakan dapat melanjutkan pelajaran bersama saudara kembar saya di universiti dalam jurusan sama.

“Apabila menjejakkan kaki di universiti saya teruja untuk belajar dan berharap berjaya menjadi seorang pakar kimia suatu hari nanti,” kata Nurul Shahidah Ahmad

Puad, 19, yang menyambung pengajian di Universiti Sains Islam Malaysia (USIM).

Shahidah dan kakak kembarnya, Nurul Shuhadah Ahmad Puad, 19, antara 2,444 pelajari ijazah sarjana muda yang mendaftar untuk sesi 2013/2014.

Shahidah yang memilih bidang Sarjana Muda Teknologi Kimia Industri berkata, nasihat dan kata semangat daripada kakak sulungnya yang sebelum ini belajar di Universiti Malaya (UM) dalam bidang bio perubatan dijadikan panduan untuk berjaya dalam pelajaran.

“Kakak ada berpesan supaya tumpukan sepenuh perhatian sewaktu di universiti dan jangan mudah jatuh cinta sebelum berjaya dalam pelajaran.

“Kata-kata itu saya semat di hati selama menuntut di sini dan menjadi sumber inspirasi untuk berjaya” katanya ketika ditemui pada Majlis Pendaftaran Pelajar Baru USIM untuk sesi 2013/2014, di Stadium Tertutup Nilai, semalam.

Sementara itu, Timbalan Pendaftar Kanan Bahagian Pengurusan Akademik USIM Hammad Farhi Mohd Saudi berkata, sebanyak 25 prog-

ram ijazah sarjana muda ditawarkan kepada 2,444 pelajar termasuk 90 pelajar antarabangsa termasuk dari Nigeria, Libya, Sudan, Singapura, Brunei dan Afghanistan.

“Terdapat peningkatan jumlah bilangan pelajar antarabangsa berbanding tahun lalu hanya 10 kemasukan pelajar baru diterima. Ini secara tidak langsung menunjukkan USIM semakin dikenali dan diperakui di peringkat antarabangsa,” katanya.